

近代中國史料叢刊第五十八輯

沈雲龍主編

李忠武公(續賓)遺書

李光久輯

文海出版社  
印行

李忠武公遺書

奏疏

李思武公奏疏

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



光緒十七年夏  
刊於甌江巡署

李忠武公遺書序

瑞安孫衣言撰

咸豐元二身寇棄巢穴北軼躡楚撈吳遂窟金陵湘鄉曾文正公以大儒治兵鄉里一時所拔用多庠校端行之士相與勦力馳駢後先十年卒除大憝東南萬里復登衽席而湘軍戰功當爲天下第一湘鄉非壯縣將才之多甲海內蓋漢唐中興時所未見也巡撫銜浙江布政使忠武李公與其弟勇毅公與文正同里閉皆以名

諸生異軍特起卒從文正轉戰大江南北忠武  
殉節於廬州之三河鎮而勇毅積官至安徽巡  
撫忠武歿後十有七年公子健齋觀察以道員  
需次我浙又十有七年來治甌括兵備蒐取公  
軍中文字及所奉

上諭制誥與國史列傳都爲一書爲褒節錄一卷書  
牘二卷奏疏一卷刻之以示後世屬衣言敘發  
其大指衣言竊謂忠武大節

顯皇帝詔旨備矣文正公疏陳事實詳列公御將行  
軍方畧並及爲人識度志趣千載而下如見公  
之聲音笑貌今

國史卽據文正疏立傳則公固不待書而傳也特  
以先人手澤弗可失墜仁人孝子用心當如是  
耳衣言幸從文正公游得以時接湘中人士喜  
其朴誠勁直無軟媚夸毘之習厯官皖鄂往往  
與其賢豪長者聯事大抵志在爲



國爲民不以便文自營而文正公亦屢爲言湘鄉  
風氣篤厚士多敦尚志節不逐逐聲利以是知  
將才固自有本獨恨不能人人有紀載可攷豈  
從事戎行遂不復治鉛槧耶亦其子弟慢弛不  
敏不能網羅於放軼之餘也自文正公薨於位  
元從宿將相繼淪喪至衡陽彭大司馬之亡而  
東閣奇士存者寥寥矣今天下幸無事而意外  
之慮常有未能釋然者將才殆未可忽湘鄉風

氣固當無異於昔而世臣喬木與

國家休戚相關然則此書之傳又豈徒网羅放軼  
而已哉光緒辛卯七月資政大夫太僕卿瑞安  
孫衣言謹序

--	--	--

李忠武公奏疏目錄

補浙江布政使謝 恩疏

賞黃馬褂巡撫銜謝 恩疏

籌度援廬情形疏

湘鄉建忠義祠疏

克復太湖縣城疏

克復潛山縣城疏

克復桐城縣城疏

三才圖會卷之三十一  
克復舒城縣城疏

遺疏

李忠武公奏疏

補浙江布政使謝 恩疏

奏爲恭謝

天恩仰祈

聖鑒事案准湖廣督臣官文湖北撫臣胡林翼行知  
咸豐七年十月二十二日內閣奉

上諭浙江布政使著李續賓補授該員現在軍營所  
有布政使印務著晏端書派員署理欽此竊臣秉

資愚拙晦跡山林自咸豐二年臣父命臣治軍  
梓里三年佐羅澤南進勦豫章四年隨曾國藩  
回征湘岳五年自廣饒以援鄂渚六年由武漢  
而至潯陽未効涓埃恆深悚惕前以攻克湖口  
及梅家洲僞城欽奉

上諭遇有布政使缺出由軍機處題奏茲復仰荷  
溫綸欽承

寵命畀臣維藩之寄待旬宣而勉贊

皇猷寬臣赴任之期俾奮發而克伸

天討如臣禱昧深懼弗勝惟有選將厲兵安民和眾  
宣揚

聖主之威德殫竭愚臣之血誠以期盡掃賊氛仰報  
高厚鴻慈於萬一所有微臣感激下忱理合恭摺叩  
謝

天恩伏乞

皇上聖鑒再此摺係借用湖北臬司印信拜發合併



陳明謹

奏

賞黃馬褂巡撫銜謝 恩疏

奏爲恭謝

天恩仰祈

聖鑒事四月十七日內閣奉

上諭官文等奏克復九江逆匪盡數殲除一摺浙江  
布政使李續賓此次戰功尤著著賞加巡撫銜並  
賞穿黃馬褂同日又奉

上諭李續賓已加巡撫銜出境後准其專摺奏事各

等因欽此伏念臣猥以菲質迭荷

醲恩厯戎行而勉効馳驅由草布而遽司方岳身經  
百戰方慚奏績綦遲倖復一城敢冀

殊施疊沛迺蒙

異數

特晉崇銜備荷

寵榮章服映乘黃之色重膺

巽命謨猷

許簡白之陳凡茲

懋賞之頻加洵屬夢想所不到臣惟有力圖蕩掃勉  
矢薪勞俟麻城一帶肅清應於何路進勦與督  
撫臣妥商辦理以期迅掃櫓槍用答

高厚鴻慈於萬一所有微臣感激下忱理合恭摺叩  
謝

天恩伏祈

皇上聖鑒再此次發摺係借用湖北臬司印信合併

陳明謹

奏

籌度援廬情形疏

奏爲籌度援廬大概情形先行馳

奏以慰

宸厪恭摺仰祈

聖鑒事竊臣接到湖廣督臣官文文開准兵部火票  
遞到軍機大臣字寄咸豐八年七月二十三日  
奉

上諭本日據李孟羣奏廬郡危急請飭楚軍改道援

剿並據翁同書奏行抵定遠據報廬州失守各一  
摺現在楚軍水陸馬步數萬悉由太湖安慶進攻  
賊必北竄著官文卽行知照李續賓都興阿等先  
其所急改道赴援廬州俾李孟羣亦得收集潰兵  
會圖克復兼扼賊匪北趨如或不能全數赴援亦  
當酌撥勁旅前往助攻毋稍延誤至沿江一帶亦  
關緊要楊載福師船尙在黃石磯駐紮亟盼李續  
賓等陸路馬步到後會擣蕪湖並著官文知照李

續賓等酌留兵勇會同廓清江面毋致顧此失彼  
將此由六百里加緊諭令知之欽此遵

旨寄信前來等因承准此恭錄知會囑臣酌度情形  
妥籌援剿事宜先行馳

奏仍卽迅覆以憑復

命等因臣伏查大江以北淮河以南其間東面一帶  
盡爲賊藪其西面楚皖交界之處犬牙相錯門  
徑分歧該逆以湖北勢居上游日思侵犯憶自



咸豐三年以迄於今無歲不擾刻下太湖潛山石簞不復則蘄黃各屬處處皆危舒城桐城不復則皖之六安英霍難保楚之羅田麻城一帶均屬可虞臣所將馬步各軍僅八千餘人都與阿一軍兵力亦不甚厚但可扼剿沿江一帶臣前探聞舒城兵潰廬州失守卽虞舒桐之賊乘虛上犯兵勇不敷分布曾調九江防兵來皖猶恐緩不濟急現在攻剿太湖縣城正當喫緊若

遠行分兵廬州該逆或分股竄越不特顧此失彼兩無裨益且恐因此債事貽禍將來查滁州全椒巢縣等處皆有兵勇駐紮似可先行就近調取以防廬郡北路臣會商都興阿迅圖克復太湖分擊潛山石簪趕緊酌量分兵一以聯絡水師以圖安慶一以橫出舒桐力規廬州庶楚圍日固而皖疆亦可漸次規復臣與都興阿往返函商意見相同除報明翁同書李孟羣並復

知督臣官文詳細

奏覆外合將籌議進剿大概情形先行陳明謹會  
同江甯將軍臣都興阿恭摺具

奏伏乞

皇上聖鑒再此次發摺係借用太湖縣印信合併陳

明謹

奏

湘鄉建忠義祠疏

奏爲湘鄉縣城建立忠義祠彙祀陣亡員弁勇丁  
等恭摺具

奏仰祈

聖鑒事竊臣國藩於咸豐二年十二月奉

旨幫辦湖南團防時長沙解圍未久撫臣張亮基札  
調湘勇千人臣國藩率同羅澤南王鑫劉蓉羅  
信南數人督帶湘勇赴省仿照前明戚繼光之

法編束隊伍練習膽技當經縷晰

奏明在案三年二月衡山土匪曹戴李躍搆亂於  
草市派劉長佑王鑫前往剿滅是爲湘勇殺賊  
立功之始五月十八日江西省城被圍前安徽  
撫臣江忠源由九江入守登陴堵禦飛書請援  
臣國藩會商湖南撫臣招募湘勇二千楚勇一  
千配以三廳兵八百人赴江救援其監護軍行  
者則有夏廷樾郭嵩燾朱孫貽羅澤南其管帶

湘勇之員則有謝邦翰易良幹羅信南康景輝  
楊虎臣等而羅澤南亦自帶一軍七月二十日  
軍至南昌二十四日因進兵太銳先勝後挫謝  
邦翰易良幹及羅信南之弟羅信東等同時陣  
亡此湘勇出境剿賊帶勇紳士力戰捐軀之始  
也臣續賓時在謝邦翰營中幫辦營務謝邦翰  
沒後遂接帶斯營臣國藩時在衡州聞援軍挫  
衄之信倡議於湘鄉建立祠宇祀謝邦翰易良

幹及在江殉難之人此後如有死事員弁以次  
附祀名曰忠義祠四年冬間祠工告竣數載以  
來湘勇援鄂援江援廣東援廣西幾無虛日今  
臣國藩奉

命援剿閩浙臣續賓奉

命援剿皖豫統計出境征伐者不下六七萬人員弁  
勇丁之陣亡傷亡者亦不下五千餘人其間死  
事最著者羅澤南殉節於武昌王鑫盡瘁於樂

安劉騰鴻効命於瑞州羅澤南奉

旨於三省建立專祠王鑫奉

旨於兩省建立專祠亦應推廣

皇仁建祠本縣此外殉難各員如李杏春宣勤最久而勲名未彰鍾近衡死綏最先而卹典尙薄及其他營官幫辦哨弁死難之人或慷慨以赴敵或力窮而就義均應彙入總祠上以體

盛世褒忠之意下以勵湘人觀感之誠本年六月臣



國藩于役浙省經過縣城周覽舊立祠宇規模  
狹小附祀之主無可安設思欲稍加廓大行次  
黃州晤臣續賓商議意見相同臣等擬卽倡捐  
銀兩擇交邑紳就四年所修之祠添購基地重  
加修葺凡陣亡將領弁勇分別正祀附祀刊刻  
木主依次列入合無籲懇

天恩敕下部議湘鄉縣所建忠義祠准照各府昭忠  
祠之例飭地方官春秋致祭於